

Gizdieg Son Vunz Gyaez Guek——Gamj Lezningz

爱国主义教育基地——列宁岩

Bakcong Gamj Lezningz

Bonjbauq siusik (gicej Luj Sauh) Gizdieg swcigih son vunz gyaez guek、dieg youq gih raeuz Dunghlanz Yen Vujcon Cin Bahyoz Cunh aen Gamj Lezningz, dwg dieggaeuq Guengsae Nungzminz Yindung Gyangsiszsoj, de dwg aen gamjrin gag baenz ndeu, bak congngamj miz 64 mij gvangq, 43 mij sang, ndaw gamj miz 137 mij raez, gyoebgyonj menciz miz 8000 lai bingzfuengmij. Ndaw gamj gvangqmbub ronghsag, hawqsauj bingzbwd, cang ndaej 2000 lai vunz.


Bi 1922 ndwen 3, Veiz Bazginz youq gizde cujciz gyoengq beixnuengx gwzming, fatbiuj 《Saw Lwnh Gyoengq Beixnuengx》. Bi 1925 ndwen 9, Veiz Bazginz、Cinz Bwzminz daengj youq ndaw gamj haibanh Dunghlanz Gaiq Daih’ it Nungzminz Yindung Gyangsiszsoj, bi 1930 ndwen 2, Hungzcizginh ginhcangj Cangh Yinzyiz daeuj daengz Vujcon, nyinhnaeuz Veiz Bazginz youq ndaw gamj senhconz le Maj Lez cujyi, couh daezyi gaij mingz guh “Gamj Lezningz.” Bi 1962 ndwen 6 ngoenz 26, deng swcigih dingh guh swcigih cungdenj vwnzvuz baujhoh danvih, heuh de guh “Dieggaeuq Guengsae Dunghlanz Gaiq Daih’ it Nungzminz Yindung Gyangsiszsoj”. Bi 1977, swcigih bued ngaenz dauq coih Gamj Lezningz, ciuqei yienghaeuq de daeuj coih ndei. Bi 1978, Cunghung Cunghyangh fucujisiz Yez Genyingh sij le “Dieggaeuq Gvangsiah Nungzminz Yindung Gyangsiszsoj” geij cih saw neix, doeklaeng cuengqhung gaek youq gwnz bakgamj.

Bi 1925 seizhah, gyangsiszsoj gipyinx le Yougyangh Digih Dunghlanz、Baksaek、Hozciz、Denzdungh、Denzyangz daengj 10 lai aen yienh 270 lai bouxcoz cinbu daeuj daengz ndaw gamj hagsib. Hagsib cujyau neiyungz miz: 《Sevei Fazcanj Sij》《Ngozgoz Gwzming Sij》《Nungzminz Yindung Canghewngz》《Cwngei Ginghciyoz Gaiyau》《Gozcifaz Caujan》caeuq 《Vunzbaz Vwndiz》daengj. Bi 1995 ndwen 12, ginggvaq swcigih dangjiveij caeuq cwngfuj doengzeiq, minghmingz heuhguh Gizdieg Swcigih Son Vunz Gyaez Guek.



▲ Mbangj mbawsiengq saeseng Gaiq Daihsam Nungzgyangjsoj.

► Sigbei dieggaeuq.




▲ Gingjsaek ndaw Gamj Lezningz.




▲ Dieggaeuq rugninz yozyenz.



▲ Laerin Hwnjbae coh Gamj Lezningz.



▲ Fouqdoiq gig vunz Bak Gamj Lezningz.



▲ Fouqdoiq gig vunz ndaw Gamj Lezningz.



▲ Daengqfaexdeiz yozyenz naengh gvaq haenx.

